

地 320
139
部 = 1 + 12



澎湖廳志

彭湖廳志

彭湖廳志

一九五八年南京古旧
書店據鈔本謄印

胡氏紀畧舊序

巡臺御史錢

琦 璣 沙

由廈門海道七百二十里至臺灣而澎湖扼其衝澎湖四面距海無所不通在臺灣之西凡五十五嶼嶼有居民設文武官副將通判治之遙屬臺灣蓋其地錯出海面盤踞無幾而據海道之咽喉與金廈二門遙相犄角實形勢之最也往年

王師平鄭氏及朱一貴之亂皆駐跡於此而時既昇平海疆富庶官賈臺灣者相望往來之艘皆泊澎湖其水道曲折風潮占候及民俗土宜政事沿革宜皆有書向時附見臺灣志中舉大意而已未能詳也今通判三水胡君示余所著澎湖紀畧一書余讀而深嘉之蓋近日所傳星槎勝覽瀛涯雜志言海事者類皆搜尋怪異不

胡氏紀畧舊序

切民生日用至內地郡縣之志所陳多民事矣而時因仍吏牘諺語猥雜無紀或取辦眾手前後乖舛者有之是書提綱挈目部署編次悉中條理而天時地利氣候不齊一一圖注取海道者時有資焉至於述民生之勤若叙

王化之漸深咨嗟咏嘆之意見於言外所以宣上德而達下情固為吏之道宜爾亦文字之勝概也歲庚午余奉

命巡視臺灣由澎抵臺道途所歷閱是書一一如在目前時方兼督學政歷試四縣頗異臺處海外而士多秀出其能文者有中土風獨澎湖無聞焉今書述澎湖士入學者至十餘人則知

國家文教久而益昌我
皇上壽考作人之化無遠弗届無微不燭宇內淪浹矣
夫事有舉一隅而可以見全體者此類是也余與胡君
同官斯土雖職有崇卑而事惟一致每念承流宣化責
任重鉅自顧恒慄慄焉惟以欣逢
聖時民安物阜中外同風一切張弛俱稟
皇靈以從事其庶幾可以無隕越也夫是為序

臺澎兵備道蔣允焄

古之善治者每務乎其大而籌乎其所以及備迨臚所
措施往往立言不為一時而收效期諸數世此豈括地
家所能涉筆哉則如勉亭胡公所撰澎湖紀畧是已澎
湖為臺郡郭郭別駕分駐其地有司土責故事遘內吏

胡氏紀畧舊序

二

之廉而能者昇焉而君實膺是職既涖三閩歲凡所為
奠昞業詰澳慮整懋遷程誦肄諸大端靡弗張舉於編
中窺崖畧焉下逮勺泉孟井亦必辨其齡列而識其所
在其用意周而籌綦脩矣昔歐陽文忠公作唐書地理
志凡一渠之開一堰之立無不記於其縣之下論者謂
其詳而有體君殆得是意歟夫以環瀛絕島粲然瓏索
又得賢通守精心擘畫所措其有本末而復以公餘
研成一書義例井然持論精卓足使後之司是土者資
所考鏡是真合古之善治者余故樂為之序乾隆庚寅
歲春三月
臺灣府知府 鄒應元

在昔志輿地者率祖禹貢周官嗣是扶風叔為史體而

別於史者則有辛氏三秦處環華陽國以及三輔黃圖諸書其分志體之一者則又有洛陽伽藍建康宮殿襄陽耆舊汝南先賢諸書至若十洲洞冥真臘佛國之屬又述其支別而恢詭焉者夫奇編異記掌錄區隄其發凡起例要無當於通都大邑所撰者然郡善長注水經往往取才於二百四十四家豈非擷其菁華規其輪廓足以徵故實而廣聽睹且於其因革雖翁士宜風俗之故有不失禹貢周官之遺而一為甄錄歟臺郡之有澎湖海上一島也宛溪氏謂險要而紆迴莫如此島信然往時隸省不一國朝康熙二十三年始定有其地屬臺郡雍正五年設別駕於此資稔歷焉夫五服有要荒謂要荒宵不可

胡氏紀畧舊序

三

以內治治也今澎湖隸版圖近百年宅其土者戶籍日增絃歌四徹環巨浸為樂國於此境覘之是其因革離翁士宜風俗之未可以恢詭載筆也可知已僚友胡勉亭先生以通守駐斯境三施於茲矣境之士庶樂其治先生亦以清暇排纂澎湖紀畧一書凡十二卷既藏事郵以示余余率業服其掌錄區隔體例一準乎通都大邑而事核而肯潔舉所為矜奇炫異者蕪穢之在先生紀畧名書若以為述其支別也者而史裁昭合於是乎在夫禹貢以敷奠挈綱周官以敷浸標目畧云乎哉莫備於此矣志輿地者尚津逮斯編也可

翰林院庶吉士朱仕琇梅崖

澎湖紀畧十二卷三水胡公通判澎湖時所著也公以

名進士歷知五縣皆有惠政且以振興文教為已任由
閩邑陞判澎湖澎湖在海中居民僅數千家小島也實
為臺廈咽喉要地故任公以鎮撫之公官澎湖五載公
餘之暇因成此書書中述澎民為生之苦地無草木率
以牛糞為薪男女相守鱗井之上後先序欽以救旱渴
早夜嗷嗷然其言咨嗟太息曲盡情態令人愀然不忍
卒讀又載市肆區目致意守土者之加惠商人招致其
來以給居民之用其用心惻怛籌畫周至如護惜弱子
惟恐傷之詩所云民之父母者矣至於祛除鄙僿開牖
闡洵尤尚文教公創建書院條設學規教以人倫分別
義利勗之躬行以志為賢人君子非僅與藝取科第榮
名而已嘗曰十室之邑必有忠信斯地雖小安知後不

胡氏紀畧舊序

四

有邱文莊海忠介其人者出哉識者因是知公所思之
遠待世之厚彷彿古人無數之義而文翁常哀不得專
美於前也澎士赴試臺灣多憚遠涉風濤以致皓首窮
經不得預童子試者公詳請列憲就澎考試送道免其
縣府兩試守候之苦科歲二試獲僑入學者十有三人
澎之文風實公開之也蓋都會閩津四方之要區官其
地者知置力焉至於海外邊徼跡遠京師見謂不足觀
聽急而自棄者有之或地瘠風陋愁憂無聊朝夕俟代
而已公所云乃一一可書如此蓋論語曰出門如見大
賓使民如承大祭故所在無怨也公其深體此意也乎
紀志體本史氏繁者病於猥雜取簡又傷太畧公是書
皆無之法嚴事覈情文並美蔚蔚彬彬是又著述之義

者矣余得并論之云乾隆三十四年季夏

蔣氏續編舊序

興泉永道周

凱芸臬

方志之體當用史法政治禮樂法度賢臣義士孝子順孫節婦之行莫不賅舉不當僅仿圖經志地理伊古云然澎湖大海一島康熙二十三年始入版圖毫無故實前別駕胡建偉偶為紀畧一書分十二紀一事之微詳載原委不屑其詞之委瑣繁重者以澎地初闢書籍無聞藉為士民教也故不稱志稱紀畧道光十二年春余奉檄賑恤澎湖涉歷澳嶼適覽形勢土地確齊漁釣為生者半而海道險峻扼臺灣之要衝為全閩之外捍有澎湖則臺灣如在掌握中
國家以副將將兵二十戍之有以也又嘗考方輿紀要

胡氏紀畧舊序

五

澎湖地環衛可二百里擅三十六嶼之勝文獻通考謂水至澎湖漸低海國間見錄云澎湖島三十有六而要

在媽宮西嶼北港八罩四澳尹士浪志畧云澎湖島嶼錯如螺髻其大而最中者曰大山嶼其羅列於前者有虎井金鷄六嶼其錯落於大山嶼之後者有奎壁吉貝等九嶼其旋繞於大山嶼之右者有金山月眉等十五嶼其列衡於大山嶼之左者有東西吉十八嶼總澎之嶼四十有九今考紀畧則五十有五嶼焉舊云三十六嶼蓋舉大概言之是地理形勝有足稱者加以聖教誕敷休養生息二百餘年曰以蕃衍其不可無書以志之審矣今於撫恤之餘既就見聞賦為歌詩有蔡生廷蘭者澎士之秀也以刺史蔣君所輯續編進卒讀

之載紀畧以後六十餘年事備胡君所未備足為修志者之資取而稱之命付諸梓蔣君問序於余因為書之卷端道光十二年歲次壬辰三月之吉

澎湖通判 蔣 鏞

澎湖自三水勉亭胡君纂著紀畧原原本本比諸志乘自後歲紀一周編序缺如嘉慶丁卯臺邑修志以澎湖設廳已有專轄止載初置巡檢數人以存舊蹟其他概不之及若再不及早補修久而愈難余承乏八載政拙才疎每欲續輯焉而未逮戊子仲春鄧菽原郡伯蒞任海東諄諄以郡志為囑通頒條目遍告紳耆各屬稱善余亦邀集澎地諸生採訪事宜共襄厥事眾皆欣然適值秋歎未遑竣事今春復奉旨保閩浙總督孫公巡撫

胡氏紀畧舊序

韓公藩憲程公先後檄飭各府廳縣續修通志頒發規條俾資採輯由省延請名宿設局纂輯誠一時盛舉也夫倡率遠近與修廢墜者官之任也宣上德而達下情有士之責也茲以各大憲及郡伯留心文獻下訪殷殷余也忝職澎陽與士民相親近而顧因循懈忽不悉心蒐羅共相考訂致使學校人物德行道藝忠孝節烈之事可為觀感興起者湮沒而不彰其何以宣上德而達下情耶顧自維鄙陋不能兼作吏之才而此地諸生率多寒士弗克捐貲延請博雅督輯成書爰循紀畧十二門先後次序每條自乾隆三十五年以後凡有因革損益皆續載焉其無異者不復贅述自知庸俗

之譏在所不免且恐搜求未徧軼事尚多博訪遐搜集
思廣益尚冀諸生相與補輯無濫無遺以期傳信後世
即名之曰紀畧續編也可將來郡志通志亦得附入以
備採擇焉是為序道光九年歲次己丑孟夏月

署澎湖通判烏竹芳

環澎湖皆海也崗陵聳峙港道紛歧其間物產之奇民
風之厚大畧與中州相等蓋天之鐘毓不限於遐方也
澎湖自康熙二十三年收入版圖始置巡檢繼改設通
判一切土俗民風山海物產學校吏治岢缺畧未有成
書自前廳三水勉亭胡君精心採訪彙為六卷曰澎湖
紀畧詳且盡矣但歷年既久今昔改觀居民日以熙攘
海隅漸以式廓舟楫紛來商賈輻輳其市廛之氣象大

胡氏紀畧舊序

七

異於疇昔而且人文蔚起秀士挺生碩德義士節婦烈
女卓卓著明於閭里者不可勝數使弗博採而類誌之
則苦心孤詣相節松操之美皆湮沒而不彰誠為採風
問俗之一憾余以庚寅之冬來守斯土入其境地以闢
問其俗質以醇與各諸生接亦皆有蒸蒸日上之風至
詢及修志一事莫不凜遵憲訓廣為採訪不遺不忘一
一而謹誌之余不揣固陋同懌葑蔣君纂修釐定細心
考核彙為續編俾海山之盛井里之美民俗之醇物產
之異披閱一過了然於指掌之間而且忠孝廉節永傳
不朽使後之覽者歷舉其名而指之曰某也忠某也孝
某也廉某也節於以表勵末俗式訓頽風豈不休哉故
謹著為序道光十年歲次庚寅仲冬

蔣鏞

已丑歲余纂澎湖續編原以胡君勉亭著紀畧後歲逾周甲不加補輯將來搜索愈難爰與有志諸生採訪編訂以待博雅名公督輯成書非敢以付剞劂也壬辰春興泉永道富陽芸舉周公按臨督辦賑務體察輿情與衿耆接見詢民間疾苦有蔡生廷蘭進詩為地方求加賑公曉以義例唱和酬答民心安慰按鄉散給口糧災黎俱沾實惠嗣蔡生復出澎湖續編稿呈覽公披閱之下詳加評正命余亟錄鏤刻余維志書之作原為顯微闡幽信今傳後必有裨於地方風化以待軒輶之採澎地僻處荒島士民中鄉行節孝頗知觀感興起此外別無表見即蒞茲土者如勉亭建白不可多觀余承乏十

胡氏紀畧舊序

八

載亦碌碌無所展布續編之作不過使鄉行節孝諸人流傳閭里弗至泯滅不彰耳言之無文行之不遠茲蒙公虛心汲引不遺人善加之筆削爰謹錄督辦賑務時與蔡生唱和諸作所以為澎民興養立教者無不畢具既又錄蒞澎雜咏及同時勘賑諸君與余暨蔡生諸作以付之仍呈公削正付梓是編也得周公之名與周公之著作而益顯澎之士民得周公之歌諷互相勸勉由是風俗日醇士習日振人文蔚起其在斯乎是則澎之幸亦余之幸也夫道光十二年壬辰仲夏

澎湖廳志總目

卷首

皇言錄

凡例

二十六則

卷一

封域

卷二

規制

卷三

職官

卷四 賦役

澎湖廳志總目

卷五

文事

卷六

武備上

卷七

武備下 海防

卷八

風俗

卷九

物產

卷十

人物上

卷十一

人物下列女

卷十二

舊事

卷十三

藝文上

卷十四

藝文中

卷十五

藝文下

澎湖廳志總目

十

澎湖廳志卷首

纂修姓氏

鑒定

二品頂戴按察使司銜臺澎兵備道兼提督學政劉璈

臺 灣 府 知 府

監修

提舉銜即補通判署澎湖糧補海防通判蔡麟祥 澄海人

補用同知署澎湖糧補海防通判洪其誥 山東人

運同銜 賞戴花翎澎湖糧補海防通判鮑復康

總輯

舉 人 主 講 文 石 書 院 林 豪 廈門人

總校

澎湖廳志卷首

舉 人 大 挑 二 等

增 廣 生 郭 鶚 翔 本廳人

總辦志局事

生 員 蔡 玉 成 本廳人

檢案

生 員 王 祖 德 嘉州人

軍功五品頂戴
謝鴻恩
人本廳

廣生
廣膳
生薛元英
生陳雁標
員洪捷元
人本廳

許晉纓
洪純仁
黃濟時
陳錫命
林維藩
蔡時文
李煥章
呂作甘

澎湖廳志卷首

軍功五品頂戴
蔡榮賢

記名提督福建海壇總鎮前勇巴圖魯吳奇勳

澎湖協標左營都司郁文勝

澎湖協標右營都司蘇桂森

澎湖協標左營千總吳宗津

澎湖協標左營千總黃步梯

澎湖協標左營千總黃步梯

澎湖協標左營千總黃步梯

澎湖協標左營千總黃步梯

澎湖協標左營千總黃步梯

澎湖協標左營千總黃步梯

澎湖協標左營千總黃步梯

澎湖協標左營千總黃步梯

澎湖廳志卷首

皇言錄

澎湖為海上偏陬附於臺灣郡邑

編音鮮專及者郡乘載康熙五十二年收入版圖時

聖祖仁皇帝親叙原委為文懸於天后廟今考澎湖

無之惟敬錄

御祭湄洲天后聖母文以有闕澎湖掌故也

高廟軫念島民苦累

詔除私派漁規千餘兩一時歡聲雷動如釋重負今則

歷年既遠老成凋謝罕能深道其詳者蓋

太平之日久矣道光咸豐間鹹雨為災屢行賑卹而

文廟垂念災黎慮其生計未足猶且殷殷下問叠沛

澎湖廳志卷首

殊恩有加無已吾儕獲生今日雖陬筮赤子皆在

聖人懷抱之中撫摩而休養之何其幸也茲編謹錄

諭旨回道皆傳及斯土者弁於首卷以永志

覆憐之恩垂示萬世云其為全郡及閩省之事則有府

志通志在茲不贅

康熙二十三年

御祭護國庇民妙靈昭應宏仁普濟天后聖母又
國家茂膺景命懷柔百神祀典具陳罔不祇肅若乃天
沐滋至地紀為之効靈國威周張海若於焉助順屬三
軍之奏凱當專譯之安瀾神所憑依禮宜昭報惟神鍾
靈海表綏奠閩疆昔籍明威克襄偉績業隆顯號禋享
有加比者慮窮島之未平命大師之致討時方憂旱光
澤為祐神寶降祥泉源驟湧因之軍聲雷動直搗荒陬
艦陣風行竟趨巨險靈旗下颭助成破竹之功陰甲排
空遂壯橫戈之勢至於中山殊域冊使遙臨伏波不與
片帆飛渡凡茲冥佑豈曰人謀是用遣官敬修祀事溪

澎湖廳志卷首

二

毛可薦黍稷惟馨神其佑我家邦永著朝宗之戴眷茲
億兆益弘利賴之功惟神有靈尚克鑒之

乾隆二年

上諭朕查閩省澎湖地係海中孤島並無田地可耕附島居民咸置小艇捕魚以餬其口昔年提臣施琅倚勢霸佔立為獨行每年得規禮壹千貳佰兩及許良彬到任後遂將此項奏請歸公以為提督衙門公事之用每年交納率以為常行家任意苛求魚人多受剝削頗為沿海窮民之苦累着總督郝玉麟宣朕諭旨永行禁革其現在捕魚船隻飭令該地方官照例編號稽查辦理此項陋規既經裁除若水師提督衙門有公用必不可少之處着郝玉麟將他項銀兩酌撥數百金補之

道光十二年奉

上諭上年澎湖地方旱稻歉收又颶風晚收更減業經

澎湖廳志卷首

三

該道判借給義倉錢文以資糊口並與泉永道帶銀同臺灣府解往著錄銀錢除該道平慶等捐廉歸補銀三十兩外其實在動用若干同給過丁口名數着照例造冊咨部核銷撥項歸補所借義倉錢文應俟本年秋收繳還至捐輸民人陳均哲等著照例獎勵所有澎湖廳應徵道光十二年分地種船網滬縐等項錢糧又一年未完下忙民欠銀兩着加息准其將舊糧緩至本年秋穫後征收本年錢糧着緩俟道光十三四兩年帶征以紓民力欽此

咸豐元年十月奉

上諭恒格除宗幹奏查勘澎湖災民撫卹完竣並請緩徵一摺福建臺灣府屬澎湖地方本年三月間風霾鹹

雨為災前經降旨令該鎮道察看情形分別辦理茲據
奏稱委員編歷各 鄉查明戶口均分散賑地方甚屬安
靜惟被災處所民力未免拮据加恩著照所請所有年
額應徵地種船網滄繒等銀五百九十三兩零一併緩
至咸豐二年秋後帶徵以紓民力該鎮道即刊刻騰黃
徧行曉諭務使實惠及民毋任吏胥舞弊以副朕軫念
災區至意其捐賑及董事出力之官紳士民等均著照
例咨部分別請獎所捐銀兩免其造冊報銷餘著照所
議辦理該部知道

咸豐元年十月二十三日閩浙總督衙門承准軍
機大臣字寄本年十月初三日奉

上諭本年福建臺灣澎湖廳屬被風業經降旨分別緩

澎湖廳志卷首

四

徵撫恤小民諒可不致失所惟念來春青黃不接之時
民力未免拮据著傳諭該督撫等體察情形如有應行
接濟之處即查明據實覆奏務於封印前奏到候朕於
新正降旨加恩欽此

澎湖廳志凡例

一薛氏臺灣縣志稱澎湖紀畧一卷安岳周于仁著
江夏胡格修惜已湮沒不傳乾隆三十二年三水
胡氏撰紀畧十二卷則云原有志畧一本並未引
入至道光八年黃梅蔣氏續編二卷目次志仍紀
畧而不載舊文僅採後來之事續之竊惟志乘以
存掌故語貴有徵似不必以引用前書為嫌也是
集合胡蔣二書刪其繁掇其要并查檢案牘採訪
見聞網羅舊籍薈萃而成一書為大綱十二門內
分細目百餘條附於各門之下凡十有六卷
一臺屬志書如續修府志頗為詳贍惟文或濫收事
未盡核誠如海東札記所譏然按部就班志之正

澎湖廳志凡例

一

格也向推諸羅志為作手其時初聞之地羗無故
實故謝退谷稱其高簡又謂以論體作志蓋志之
變格也然志者記事之書因時因地以立說而體
裁因之是集部居體例非必欲仿府志而大致差
近惟去取分合之間自有權衡豈必徒慕高簡之
名如臺灣縣志自謂胚胎朝邑規撫諸羅而位置
轉有難愜陳氏重輯淡水志自稱勇於創始又謂
規仿章學誠而前後尚多錯雜哉蓋海外掌故有
必不容畧者要在持論洞中利弊徵引皆有限斷
應有盡有應無儘無亦無庸矯為異苟為同沾沾
於規撫名手也光澤高兩眾曰文章一道當字字
識職茲編體裁從眾而擇言惟謹猶此志也

一府縣志每全錄

上諭於各卷各條後紀畧因之茲謹錄
上諭四道及 天后祭文一篇別為首卷此外非專及
者祇可隨事識其大要而顛末已明既可省又並
寓敬謹之意

一春首例應繪城池衙署學宮壇廟等圖澎湖無城郭
未立泮宮故但繪島嶼全圖蓋其地以眾志為城
以大海為池而以書院為朔望行禮之所地勢使
然姑從簡畧至書院已經重脩廳署大半頃圯或
謂宜改建媽宮澳茲亦與協署並圖之以存舊制
紀畧原有天文紀徵引頗繁然分野之說聚訟紛
紛即考據至精何裨實用且不載鹹雨鰲颶而泛

澎湖廳志凡例

二

填日月霜露似屬公共之言茲汰天文一門以星
野列於方域而去其蕪詞至風信潮信係海防要
務而氣候占驗為農人耕種賈帆趨避所必需者
別附於風俗下斯義各有取也左氏有言天道遠
人道邇况欲區區小島中高談天象乎哉

一臺灣縣志凡例云澎湖遠隔大海前隸同安舊以
元末偶設巡檢司遂以為臺灣建置之始則非矣
今之臺可以概澎昔之澎不可概臺也今按台灣
在前代屬澎之極邊故澎有游兵實為控制台灣
而設况元明兩代皆設官以經理之安得不考其
建置沿革既有建置一門則明季所置者亦當附
見所謂因時地以立言也至謂偽鄭所立郡縣與

國朝合為沿革於事為失實於義為未妥故斷自
國朝而刪其沿革今考縣志建置篇中具詳鄭氏父子
所立郡邑是但避沿革之名仍書其實也要之方
陽載筆不過藉以識是地之緣起又可遺乎但其
詳不可得聞姑書梗概云爾

一 蔣氏續編例言云輯志以博采羣書為尚郡志舊
例於本志後另列附考各條註明原本以見徵引
有據若紀畧所纂總論引用書名多不備載未免
積掩前人之美今按紀畧既牽合眾說強湊成編
自難悉註出處亦勢使之然未必有心於掠美竊
編雖仿府志之例惟物產各條下細註尚多業已
一一標出而單詞隻義似無庸瑣瑣為也

澎湖廳志凡例

三

一 澎湖不設專學未立學宮僅有書院之文昌祠
春秋致祭禮儀亦從簡便茲廟祝典禮併入規制
之內以省門目

一 漳浦藍鹿洲云平臺紀畧據事直書而成以列憲
稱名為譏是猶未知載筆之道載筆所以傳信非
一人一時之文天下後世共之而姓名尚不敢筆
之書則過失在所必諱縱功績可紀亦等之謠語
諛詞夫豈其可傳耶按藍氏不過一家之言猶能
自申其說况地志官書也以存一方掌故以示千
秋鑒戒與專門私集不同茲於正文有所稱引皆
直書銜名惟正文後別有引証與總論之出自鄙
見者或稱字或稱謚以示區別非自亂其例也

一浮梁鄧亦原云勝國遺臣無論南都江東及閩粵所除授皆可結銜文章體例宜然亦

聖朝顯忠遂良之至意今按我

朝於明季遺臣并不加以偽字茲編謹導其例而寓賢之盧若騰書兵部尚書即此意也

一德化鄭六亭云志與史之在縣在國公也公則書法可以不隱至更代易官美惡在所不諱按聖人有隱惡揚善之說故春秋微而顯者揚善也志而晦者隱惡也春秋固不易學亦非區區方志所能學而大旨要不可謬於聖人茲於官紳之善者書之惡者畧之惟風俗祥異各門似可本鄭氏之說凡積習稍偏及利病所係宜據事直書使閱者有

澎湖廳志凡例

四

所考證為張弛補救之一助近人習氣好謾惡直必有見而疑怪者弗遑恤也識者當能鑒之

一陽湖惲子居大雲山房通例云列傳書名書字不書號史法也儒者於傳中書稱某號先生書某年進士舉人不書某科亦史法也按胡氏蔣氏二書於列傳稱謂參差不一今但擇其甚者畧為訂正其新入者必陳惲氏之例

一文石書院雖經重脩而膏火猶闕至大小賓與倉儲義學已暫次廢陸徒存其名茲亦檢案畧載原委以寓告朔餼羊之思云

一職官各表前書俱因案卷遺失致多闕畧今則歷年愈遠亦無從查核惟迹未裁兵加餉制度變更

宜載原委至砲臺塔燈似屬規制之內而入防海者防海為重則宜從其所重也又同安志以風潮附入海防於義亦合今從之

一澎湖為海邊要地防海乃其要務故設水師兩營以副將統之而通判一缺即以海防二字結銜誠重之也茲於武備下卷且載海防一門凡港汊之夷險礁山之紆迴必詳加考鏡使後來蒞斯之者展卷而知職掌所在要害宜防思前慮後未雨綢繆為海邦保障庶是書非同苟作耳

一丁役賦額勻攤於田賦內久著為令典乃紀畧以戶役賦稅分為兩紀而又立倉儲一門何怪其卷帙之繁重歧出乎茲併為一門以省門目

澎湖廳志凡例

五

一人物一節可稱例應立傳但傳者傳也以傳一生行誼也必蓋棺而論始定故自來史例綦嚴無生為立傳者如紀畧續編所載未免過於通融然有其舉之亦莫敢廢始別其流品而稍節煩言可耳或曰節婦存者頗多似生而立傳者抑知娶婦所以傳者傳其節耳五十外節已可保未亡而類於亡故傳之也若士君子畢生行誼烏得以娶婦為比茲檢諸生所採其人尚存者概弗濫載

一前書俱載例貢似失限斷茲錄其由文生報捐者至武職千把以下志書尚未及載但此地仕者寥寥而一命之榮亦朝廷指臂之用茲附於選舉表下蓋澎人以海為田多諸水務使人人自奮於

功名以備島上千城之選於海防不為無裨也
一節烈其難其慎以示風教以發幽光非可苟也續
編所載較詳惟當日存年但四十有二者亦廁其
列濫矣然是地從無請旌之舉僅恃修志者
時採錄以存名節於千秋善善之方詎容過刻茲
於前書已載者不敢不錄至新增之例考核綦詳
其存者必年在五十以外如年僅四十餘而節操
堪共信者另附於後以俟異時論定蓋徵實之例
必嚴而節取之途宜恕庶幾並行不悖乎又續編
仿福建續志周氏廈門志之例於節烈各條下註
明某人採訪以專責成誠非無見從之
一富陽周芸皋撰金廈志於各傳後間附論斷而漳

澎湖廳志凡例

六

浦藍氏潮州志稿亦然謝退谷云紀實係以論斷
體仿史書觀其書可知其志洵篤論也茲編列傳
頗倣其例至於正文後偶有附論出自鄙見者則
為按字以別之各卷後門附總論一則發明鄙見
自知僭越然皆指陳利病下筆不能自休或於補
偏救弊不無少裨識者鑒之

一紀畧於歷代科目官制營制賦役等類繁稱傳引
然皆陳言於此地掌故無涉自不得不刪若許雲
藍廷珍等紀畧撮拾府志為之傳但二人官澎湖
時別無表見其平臺等事已具於紀兵內自不更
為立傳至名官之祀於書院者不可不補他如周
富陽觀察臺灣澎湖其轄內賑饑一役實能為德於

澎而澎之文風士氣亦大半由其鼓舞而興故特
立一傳以為後來之勸

一紀兵一門為志乘所不可畧况此地自施侯一戰
成功全臺始入版圖所關甚重當叙其緣起而紀
畧謂恐與郡乘雷同缺焉弗載不知掌故之書凡
屬公共語為通志所已載者則方隅載筆可無煩
更贅贅焉則為雷同若係一方事實正宜徵文考
獻使閱者瞭然於一方治亂之迹所謂前事不忘
後事之師也又何雷同之為患乎茲特增入

一紀畧不載祥異謂偏災小瘳郡邑所同抑知暴風
鹹雨終歲之豐歉攸關實與臺郡迥别乎况澎湖
屢行賑恤為他處所無

澎湖廳志凡例

七

朝廷之曠與列憲之愛民厚澤深仁豈容不載續編補

之是也茲詳查增入

一紀畧於地瘠民貧言之者屢此仁言也顧士農工
賈之業海邦風氣與內地頗有異同前書風俗一
門頗紀瑣事於物產則泛載舊典至四民恒業猶
有不實不盡者茲特詳考而類記之使知人情好
惡百物盈絀以為求治之方庶有裨也

一凡軼事叢談有關鑒戒有係掌故而無門類可附
者悉入於舊事志中

一施侯澎海之戰實得 天妃神助嘗疏請

朝廷加封致祭矣雖鬼神幽渺與保邦制治之道原不
相涉但既形於奏摺則事本有徵未可盡沒茲於

建置沿革及紀兵列傳正文之內並不攙入惟錄於軼事以示區別使閱者知我

朝景運之興百神効職信而有徵一以見行政治軍自

有常軌並非人事未盡而可邀明神之佐助也

一地志之成每非一手難以勻稱故所厭於志書者

或全抄會典部頒儀注為典禮門或全錄案牘有

如冊檔一胥吏可勝其任人若泛襍堆砌誠有如

縣志所譏者然胡氏紀畧凡例嘗自謂迂蔓無當

於雅潔欲後之作者流覽今昔芟繁就簡而續編

亦云言之無文以備將來之採擇二公既創其草

而又虛懷若谷以討論修飾之任責望後人者至

明至切其敢避僭妄之名而不為恚心別擇乎至

澎湖廳志凡例

八

於運筆修詞達意而止欲別開生面自闢門徑固

未易言然子雲擬易君子少之如縣志自稱記述

議論必倣史漢韓歐禹貢爾雅諸書而後可此則

自許甚盛或亦名手有然而非區區之所敢任也

一前書藝文志所錄詩文甚夥就中率爾之作畧汰

一二至新增雜文篇幅稍多者以事因文見不得

不錄其古今體詩則增入甚少者非有他見也志

以記事非為選詩而作此間詩人自蔡秋園而外

亦未多覩其他官遊騷客即景成吟更無從偏訪

間有佳篇無闕掌故者自未便濫載固陋之誦所

不敢辭候訪遺珠詎同懷璧又按向來是地著

述無聞近得蔡氏遺書數卷茲畧仿阮芸臺詒經

精舍書目提要之例附於藝文卷末以為此地文人著述之權輿可也
光緒伍年重陽節主講文石書院廈門林豪謹識

澎湖廳志凡例

九